

## Lekcija 1

### Šta je Evropa?

### Šta znam o Evropi?

<b>Vaspitno-obrazovni ciljevi</b>	Učenici reaktiviraju svoje znanje o Evropi i ponovno otkrivaju svoj pogled na kontinent.
<b>Nastavni zadaci</b>	Učenici rade s kartom Evrope. Pokazuju iz koje zemlje dolaze, zapisuju koje sve gradove poznaju, koje su im zemlje poznate, i koje važne činjenice već znaju.
<b>Nastavni materijali</b>	Kopije karte Evrope, portreti zemalja, olovke, ljepilo, makaze, atlas, knjige, internet (ako je moguće).
<b>Metodi</b>	Individualni rad, plenarna rasprava.

### Opis lekcije

Učenicima je data kopija prazne karte Evrope (idealno bi bilo da je uvećana do A3 formata). Njihov zadatak jeste da ponovno reaktiviraju ono što znaju o Evropi. Počinju da rade na različitim pitanjima sa liste koja se nalazi ispod karte.

Nastavnik nakon toga predstavlja paket informacija koji se nalazi u dijelu sa radnim listom za učenike (zemlje i glavni gradovi, zastave, rijeke, planine i reljef). Učenici će raditi sa tim materijalima ali isto tako mogu prikupiti informacije koristeći druge nastavne materijale, ukoliko su to materijali dostupni u učionici (internet, atlas, knjige, itd.).

Gotove karte Evrope stavljaju se na zid.

Kao domaći zadatak učenici biraju jednu evropsku zemlju koju će dodatno istražiti kod kuće. To je dio „Portreta zemlje“ u drugoj lekciji. Moraju pronaći partnera s kojim će moći da rade u sljedećoj lekciji i koji bi trebao da izabere zemlju susjednu njihovoj.